

沈雲龍編輯

明清史料彙編

集 八

第十一冊

文海出版社

有限公司

印行

新學
社
PDG

遺民詩目錄

卷五

申涵光

字鳧盟北直廣平人貢士節愍公諱佳翁長子著聰山集詩爲海內名家風神俊逸論者謂可敵何大復

姜

垓

字如須山東萊陽人進士官行人見公解有阮大鍼名與魏大中同列力請去大鍼名兄塚廷杖下獄上疏請代兄臯不許鼎革後同兄奉母隱居姑蘇吳人義之建二姜先生祠於虎丘

顧炎武

字寧人崑山名儒識高學博有不屑屑章句之志常游四方得江山之助其氣益豪著日知錄諸書

劉

城

字伯宗池州貴池人貢士史公可法薦授刺史不就肆力詩歌履道自娛會江東再建上策匡時柄臣不聽長揖歸田息影峽山不入城市人稱徵士著有嶧桐集

世行

冒

襄

字辟疆別號巢民揚州如皋人壬午副榜授司李
傲儻自喜構水繪菴延覽賓客年八十餘猶能楷

書子禾書冊

書皆有名

宋

曹

字彬臣別號射陵淮安鹽城人官中書善書法
不應徵車趨遊江淮間晚年好養生術

甘

京

字健齋江西南豐人講學
授徒著軸園不焚詩

史

玄

字弱翁吳江人
著詩多悲時事

張自烈

字爾公別號芭山江西袁州人太學官於闕博學
善古文詞所著芭山文集四書大全辨行世孤史

經解史辨黨戒

錄諸書藏於家

林古度

字茂之號郡子少為鍾譚好友攻楷法字內名流
奔輾其門遊廣陵有登高空憶梅花嶺買醉都無

萬曆錢之句年

近九十目雙青

唐階泰

字亨予一字瞿之四川達州人進士時朋黨方熾
階泰獨立無所與由吳江今謫江西按察司經歷

入爲都察院經歷轉
南祠部鼎革即隱

楊

爨

字子常蘇州常熟人貢士官會昌
今與顧夢麟齊名著四書說約

陳濟生

字皇士蘓州人文莊公仁錫
長子著述甚富選啟禎遺詩

嚴

熊

字武伯常熟人著楓江集自稱
楓江釣叟有不可一世之槩

王

璜

字元倬上元人孝廉後焚車杜門
絕意仕進賣文養親著南陔詩集

遺民詩卷第五

寶香山人 卓爾堪 子任選輯

申涵光

鳧盟北直廣平人
聰山集

寓金陵柬諸知己

去家日已久天寒益顚顚山寺俯諸峰竹陰得
清寄故人知我來凌霜枉高轡劇談見古人心
膽藏無地今人喜梁肉鬼神護權利士貧實可
醜胡以當君意折柬張夜筵燈下盤餐備子貧
莫我司乃能致兼味顏熱聽高歌歌終帶涕泗
四海尚甲兵菰蘆有君輩時危耐曲折我拙非

其類

詠古

我聞燕山側昔有黃金臺千金買馬骨遂有壯
士來壯士不爲金感君重士心君主不愛馬馬
死鹽車下感會成風雲勲名難與偶昔在泥土
中枵然窮谷叟我來屬時危荒臺迹已沒昭王
在何處坐看燕市月

家誠示舍弟

貴賤有常業雞鳴自黽勉昏昏視朝夕志墮筋
力緩安坐飽梁肉白髮忽已滿智慧老益衰有

志不獲展奮迅赴前期莫羨嵇康懶

先王別氏族支分旣云久青也介胄人恥附梁
公後燕秦締宗牒懽然接盃酒豈復論行輩官
尊者居右照耀驚閭里自云左右手榮華倏以
逝棄擲於何有不如思本源天屬古所厚

任裳避徵召蓬居謝州府太守式里門薤水置
屏戶終已口不言美名非所取朱門曳長裾譚
讌雜纓組罄折而周旋無乃自勞苦理亂非我
責苟得慚市賈逍遙林木間清風吹環堵

黃河決

通鑑卷五
黃河決河水竭蛟龍遠徙車徒步涉去海千里
鼃鼃晝飛生無處所死不可知魚遊松頂泰山
卑龍乎龍乎何時歸

插稻謠

六月無雨迎神擊鼓插稻時水如縷高顙大髯
誰家者奴下肥馬坐溝塗不聞流水潺潺聲但
聞鞭朴聲高呼婦子狂走伏身葦蒲兄耶父耶
彼高顙者去耶

孤女吟

咏女也

受君紉素報君醴酒爾時雖未入君房心知爲

君婦君行出賈朝出暮歸今者不返十年空復
啼嚴風下摧百草世事反復何足道孤女空居
恨不速老

匡廬吟問李饒州志清

汝從江右返正當秋鴈分幾時離却鄱江水衣
裘尚帶匡廬雲我聞匡山天下絕飛泉百丈吹
瓊雪香爐五老沒層雲影入波濤峰勢折聞有
陸羽井又有遠公臺李白讀書心所好至今魂
魄應歸來我曾東入吳揚帆下西浙揚子太湖
水滿眼吳山北固皆丘垤十載匡廬幽夢結西

江血滿鄱湖熱兵戈遙隔子猷船
汝若曾登可細說

邯鄲行

西風吹落葉颯颯邯鄲道邯鄲兵火後人家生
白草我聞全盛時珠樓銀燭光琉璃趙女臨窓
調寶瑟樓前走馬黃金羈卽今富貴皆安在惟
有西山青不改君不見遊俠子白日報讐飲都
市亦不見鑪邊倡桂鳳髻明月璫舊城寥落荆
棘裏樓臺粉黛皆茫茫城邊過客飛黃土城上
憑臨日正午照眉池畔落寒鴉不信此地曾歌

舞探雀沙丘去不回霸圖銷歇更堪哀邯鄲之人思舊主至今猶上武陵臺

春雪歌

北風昨夜吹林莽雪片朝飛大如掌南園老梅凍不開饑鳥啄落青苔上破屋寒多午未餐擁衾對雪空長歎去歲雨頻禾爛死冰消委巷生波瀾吳楚并乾江底圻北方翻作蛟龍宅豪客椎牛晝殺人彎弓笑入長安陌長安畫閣壓氍毹獵罷高縣金僕姑歌聲入夜華燈暖不信人間有餓夫

村居

不寐關農事侵涼起戴星家貧親草木麥熟畏
雷霆葦路看人頂溪風落鵲翎地幽容午睡葉
笠挂茅亭

晴

不復衝泥出科頭萬事慵草晴如帶露雲亂自
成峰賒酒憑秋稼占年問老農怪來香細細澤
國滿芙蓉

固關

一路蒼烟曲雙崖跨石門隔林遙負水穴土自

成村棗栗荒城少陶唐舊俗存
晚看投宿處雞犬聚雲根

翠羅峰

亂石松間路憑江竹板樓僧閒
終日坐客過偶然遊防暗攜微火
侵寒想弊裘行山有茅屋涕淚逐
扁舟

自蕪湖返棹白門風雨適至

來去逢江雨孤篷亦可憐
沙溪清見石漁火夜連船
到處憑雙槳何時得數椽
他鄉逼歲暮消息客心懸

郡中怪張覆輿自西山來

何事須城郭人間復見君
一家依澗草短褐帶山雲
薄俗居難定忘形鹿可羣
四方多戰伐美爾未全聞

遣興

水落村沙暮人烟郡堞西
樹分霜月小門逐野牆低
留客須茶竈殘生付藥畦
近來詩興發不復向人題

小築容高卧荒林失曙更
人從多難老心向遠天清
野屋懸魚笥霜灘落鴈聲
一年看又暮新

月幾回明

己丑早春

看竹臨烟榭行吟入草亭
雪消春水白沙暖麥畦青
戰伐何時了艱危已備經
行年三十一雙鬢早星星

雨

暝色連天地柴門處士家
茅茨歷風雨雞犬帶泥沙
水岸平菰葉牆陰落豆花
荒村三伏過潦倒負年華

郝元直來

來書期臘雪山寒度春陰病覺村居好貧知友
誼深百年懷古淚隔代老儒心雲外雙峰在何
時共入林

與諸友遊泉亭寺

樹裏泉亭寺山田一徑斜石開門對井岸落雨
衝沙數子行秋色孤罇就野花暫來慚更去康
樂未離家

廣羊絕頂同伯巖作

久別山園路空慚避世心亂離塵日短高卧野
堂深酌酒依紅樹看棋坐碧岑桃源開復閉此